



Վիրահայոց թեմի Սուրբ Գևորգ առաջնորդանիստ եկեղեցու հոգևոր հովիվ Տեր Նարեկ քահանա Ղուշչյանը և Գևորգ սարկավազ Անտոնյանը, Վրաստանում Չեխիայի Հանրապետության արտակարգ և լիազոր դեսպան պարոն Թոմաս Պերնիցկու հրավերով, ընթացիկ տարվա հոկտեմբերի 28-ին ներկա գտնվեցին Չեխիայի Հանրապետության ազգային տոնին, հանրապետության 96-րդ տարեդարձին նվիրված երգեհոնային երաժշտության երեկոյին: Միջոցառումը տեղի ունեցավ Թբիլիսիի Սուրբ Պողոս-Պետրոս կաթոլիկական առաջնորդանիստ եկեղեցում, որտեղ ներկա էին Վրաստանում գործող դիվանագիտական կորպուսի ներկայացուցիչները:

Երեկոյի ընթացքում երգեհոնի հրաշալի կատարումներով հանդես եկավ երաժիշտ Մարտին Մաքսմիլյան Կայգերը: Նա կատարեց Եվրոպայի տարբեր երգահանների ստեղծագործություններից, արժանանալով ներկա հասարակության ջերմ ընդունելությանը:

Հավարտ միջոցառման, Տեր Նարեկ քահանա Ղուշյանը դեսպան Պերնիցկուն փոխանցեց
Վիրահայոց թեմի առաջնորդ Գերաշնորհ Տեր Վազգեն եպիսկոպոս Միրզախանյանի
շնորհավորանքները և բարենադրանքները և նվիրեց գեղեցիկ սրբապատկեր: